



Llywodraeth Cymru
Welsh Government

Pecyn gwybodaeth i ymgeiswyr

Comisiwn Seilwaith Cenedlaethol Cymru

Penodi Comisiynwyr

Dyddiad cau: 4 Mawrth 2018

Comisiwn Seilwaith Cenedlaethol Cymru

Cynnwys

Tudalen

Gwneud Cais

Atodiad A: Rôl Comisiynydd

Atodiad B: Rôl a chyfrifoldebau Comisiwn Seilwaith Cenedlaethol Cymru

Atodiad C: Y broses ddethol

Comisiwn Seilwaith Cenedlaethol Cymru

Cefndir

Diolch am eich diddordeb yn y broses o benodi Comisiynydd i Gomisiwn Seilwaith Cenedlaethol Cymru (CSCC). Mae Llywodraeth Cymru wedi sefydlu CSCC i gefnogi cyngor annibynnol, mwy gwybodus ar strategaeth hirdymor ar gyfer buddsoddi mewn seilwaith, sy'n ymgorffori egwyddorion Deddf Llesiant Cenedlaethau'r Dyfodol (Cymru) 2015.

Mae CSCC yn gorff cyngori anstatudol. Ei gylch gwaith yw canolbwyntio ar anghenion seilwaith economaidd ac amgylcheddol Cymru dros 5 – 30 mlynedd. Bydd y Comisiwn yn ystyried hefyd sut mae'r anghenion hynny'n rhyngweithio â 'seilwaith cymdeithasol', megis ysgolion, ysbytai a thai. Fodd bynnag, ni ddisgwylir y bydd CSCC yn ystyried a chynghori ar anghenion seilwaith cymdeithasol mewn manylder.

Bydd y cyngor a ddarperir gan CSCC o natur strategol ac yn edrych i'r dyfodol. Ni fydd cyngor ar gynlluniau seilwaith presennol neu gynlluniau sydd i ddod sydd wedi'u cytuno eisoes yn rhan o gylch gwaith y Comisiwn.

Bydd Comisiynwyr CSCC yn cael cyfle unigryw i edrych ar anghenion seilwaith economaidd ac amgylcheddol hirdymor Cymru, gan lywio rhwydweithiau seilwaith i'r dyfodol trwy ddylanwadu'n gryf ar argymhellion i Lywodraeth Cymru ar gysylltiadau strategol, dibyniaethau a blaenoriaethau, gan gynnwys y cysylltiad â seilwaith cymdeithasol megis tai. Bydd Comisiynwyr yn helpu i ategu rôl CSCC a chreu consensws gyda'r diwydiant a rhanddeiliaid eraill. Mae'r Atodiadau sydd ynghlwm yn darparu manylion am rôl y Comisiynydd a manyleb y person, rôl a chyfrifoldebau CSCC a'r broses ddethol.

Bydd Cadeirydd CSCC yn aelod o'r panel ar gyfer penodi Comisiynwyr. Disgwylir i'r Cadeirydd gael ei benodi yn ystod mis Mehefin. Bydd ceisiadau am rôl Comisiynwyr yn cael eu hystyried ar ôl hynny. Bydd Llywodraeth Cymru'n rhoi'r newyddion diweddaraf i bob ymgeisydd ar gerrig milltir allweddol.

Gwneud cais

I wneud cais, ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-8d1f9e73671f/candidate/jobboard/vacancy/7/adv/>

I wneud cais am y swydd hon, cliciwch ar y swydd Comisiynwyr Comisiwn Seilwaith Cenedlaethol Cymru ac yna ar 'Gwneud Cais' yn y gornel waelod ochr chwith. Y tro cyntaf y byddwch chi'n gwneud cais am swydd, bydd angen i chi lenwi ffurflen gofrestru ar gyfer system ymgeisio ar-lein Llywodraeth Cymru. Dim ond unwaith y bydd angen i chi gofrestru, a gallwch ddilyn eich cais, ac unrhyw geisiadau eraill rydych chi wedi'u gwneud, drwy'r system trwy eich cyfrif cofrestredig.

Ar ôl i chi gofrestru, gallwch gael mynediad at y ffurflen gais. I wneud cais, bydd angen i chi lanlwytho datganiad personol a CV i'r adran 'Rhesymau dros wneud cais' ar y ffurflen gais ar-lein.

Comisiwn Seilwaith Cenedlaethol Cymru

Datganiad Personol

Y datganiad personol yw’ch cyfle chi i ddangos sut rydych chi’n bodloni pob un o’r meini prawf a amlinellir ym manyleb y person. Chi fydd yn penderfynu sut rydych chi’n cyflwyno’r wybodaeth. Fodd bynnag, dylech geisio darparu enghreifftiau manwl sy’n dangos sut mae’ch gwybodaeth a’ch profiad yn cyfateb i bob un o’r meini prawf ac sy’n disgrifio beth oedd eich rôl yn y gwaith o gyflawni canlyniad penodol. Yn ogystal, byddai o fudd i’r panel dethol pe gallech chi fod yn glir ynglŷn â pha dystiolaeth benodol rydych chi’n ei darparu sy’n berthnasol i ba faes prawf. Mae darparu paragraffau ar wahân mewn perthynas â phob maes prawf yn arfer cyffredin.

Cyfyngwch eich datganiad personol i ddwy dudalen. Gellir gwrthod eich cais os na fyddwch chi’n cydymffurfio â’r gofyniad hwn.

CV

Gofalwch fod eich CV yn cynnwys manylion cryno am eich swydd bresennol neu’ch swydd ddiwethaf a’r dyddiadau roeddech chi yn y swydd hon. Nodwch unrhyw benodiadau Gweinidogol presennol neu flaenorol.

Amserlen bosibl

Dyddiad cau:	4 Mawrth 2018
Llunio rhestr fer:	Mehefin 2018
Cyfweliadau:	Yn debygol o gael eu cynnal ym mis Gorffennaf 2018 – cynhelir y cyfweliadau ar ôl penodi’r Cadeirydd

Datganiad Amrywiaeth

Mae Llywodraeth Cymru o’r farn y dylai aelodau bwrdd cyrff cyhoeddus adlewyrchu cymdeithas Cymru – gyda phobl o bob cefndir – i’w helpu i ddeall anghenion pobl a gwneud gwell penderfyniadau. Dyma pam mae Llywodraeth Cymru’n annog pob math o wahanol unigolion i wneud cais am benodiadau i gyrff cyhoeddus. Croesewir ceisiadau gan bobl sy’n perthyn i grwpiau heb gynrychiolaeth ddigonol, gan gynnwys menywod, pobl o dan 30 oed, pobl dduon, pobl Asiaidd a lleiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Cadarnhaol am Anabledd

Mae Llywodraeth Cymru’n gweithredu cynllun Cadarnhaol am Bobl Anabl ac yn croesawu ceisiadau gan bobl ag anabledau. Mae’r cynllun yn gwarantu cyfweliad i bobl anabl os ydynt yn bodloni’r meini prawf gofynnol ar gyfer y swydd. Mae’r ffurflen gais yn eich galluogi hefyd i nodi unrhyw anghenion penodol neu gyfarpar sydd ei angen arnoch chi os cewch eich gwahodd i gyfweliad.

Cysylltiadau:

I gael mwy o wybodaeth am rôl CSCC a rôl Comisiynwyr, cysylltwch â:
Rhodri Griffiths, Dirprwy Gyfarwyddwr Seilwaith Economaidd.
Ffôn: 03000628841
E-bost: Rhodri.griffiths1@gov.wales

Os bydd angen unrhyw gymorth pellach arnoch i wneud cais am y swydd hon, ffoniwch Ddesg Gymorth Canolfan Cydwasanaethau Corfforaethol Llywodraeth Cymru ar 03000255454 neu anfonwch e-bost i PublicAppointments@wales.gov.uk

Comisiwn Seilwaith Cenedlaethol Cymru

I gael mwy o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus

Penodi Comisiynydd Comisiwn Seilwaith Cenedlaethol Cymru

Swydd-ddisgrifiad a manyleb y person

Rôl a chyfrifoldebau

Bydd Comisiynwyr CSCC yn cael cyfle unigryw i edrych ar anghenion seilwaith economaidd ac amgylcheddol hirdymor Cymru, gan lywio rhwydweithiau seilwaith i'r dyfodol trwy ddylanwadu'n gryf ar argymhellion i Lywodraeth Cymru ar gysylltiadau strategol, dibyniaethau a blaenoriaethau, gan gynnwys y cysylltiad â seilwaith cymdeithasol megis tai. Bydd Comisiynwyr yn helpu i ategu rôl CSCC a chreu consensws gyda'r diwydiant a rhanddeiliaid eraill.

Rydym yn gobeithio recriwtio hyd at 11 o Gomisiynwyr o bob math o wahanol gefndiroedd.

Bydd Comisiynwyr yn arweinwyr yn eu maes, gyda phrofiad ar lefel uwch mewn sector seilwaith penodol neu faes perthnasol.

Bydd y Comisiynwyr yn gyfrifol am:

- ddarparu cyngor diduedd, arbenigol i Lywodraeth Cymru ar seilwaith
- dod â sgiliau neu brofiad penodol o sectorau arbennig i CSCC
- ymgysylltu â rhanddeiliaid, gan gynnwys llywodraeth, diwydiant, grwpiau â buddiant a'r cyhoedd, i hyrwyddo CSCC a dwyn ynghyd safbwyntiau eang ar seilwaith i'r dyfodol
- ymgysylltu â'r cyfryngau o bryd i'w gilydd

Manyleb y Person

I gael eich ystyried, rhaid i chi allu dangos bod gennych chi'r priodweddau, y sgiliau a'r profiad i fodloni'r holl feini prawf hanfodol ar gyfer y penodiad.

Meini Prawf Hanfodol

Gallu

- y gallu i ddarparu cyngor annibynnol, cadarn i Lywodraeth Cymru
- y gallu i brosesu gwybodaeth gymhleth ac ystyried datblygiad hirdymor Cymru
- y gallu i gyfathrebu pynciau cymhleth yn glir
- dealltwriaeth o amcanion seilwaith Llywodraeth Cymru, ei fframwaith polisi, cyflawni ac ariannu ehangach, gan gynnwys y dyletswyddau a'r ymrwymadau

Comisiwn Seilwaith Cenedlaethol Cymru

o dan Ddeddf Llesiant Cenedlaethau'r Dyfodol (Cymru) 2015 a'r setliad datganoli;

- disgwylir i o leiaf ddau o'r Comisiynwyr fod yn siaradwyr Cymraeg rhugl a chynrychioli CSCC yn gyhoeddus ac yn y cyfryngau trwy gyfrwng y Gymraeg.

Profiad

- arweinydd yn ei f/maes, gyda phrofiad lefel uwch mewn sector seilwaith economaidd neu amgylcheddol penodol (megis ynni, trafnidiaeth, gwastraff, llifogydd, cyfathrebu digidol) **neu** faes perthnasol (megis economeg, cynllunio, rheoleiddio, cyllid prosiect/seilwaith, dylunio, peirianeg, pensaernïaeth a dadansoddi systemau, technoleg ac arloesedd);
- profiad o gyfathrebu a dylanwadu ar y lefelau uchaf;
- profiad o gynrychioli sefydliadau yn gyhoeddus ac ymgysylltu ag ystod eang o randdeiliaid.

Y Gymraeg

Bydd 12 o bobl ar y Comisiwn: y Cadeirydd ac 11 o Gomisiynwyr – ar gyfer 3 swydd yn y Comisiwn, mae sgiliau Cymraeg yn hanfodol, ond nid ydynt yn ofynnol ar gyfer y 9 swydd arall.

Ffeithiau allweddol am y swydd

Lleoliad:	Cyfarfodydd i'w cynnal ledled Cymru
Ymrwymiad Amser:	2 ddiwrnod yr wythnos
Hyd y swydd:	Penodiad am 3 blynedd i gychwyn
Tâl:	£300 y dydd, a threuliau teithio a threuliau rhesymol eraill o fewn terfynau rhesymol.

Cymhwysedd

Dylai ymgeiswyr fod yn bobl sydd bob amser yn ymddwyn mewn ffordd a fydd yn ennyn hyder y cyhoedd.

Dylai ymgeiswyr fod yn ymwybodol bod Deddf Anghymhwysio Tŷ'r Cyffredin 1975 neu Orchmynion a wnaed o dan Ddeddf Llywodraeth Cymru 2006 yn berthnasol.

Gwrthdaro Buddiannau

Gofynnir i chi ddatgan unrhyw fuddiannau preifat y gellid ystyried eu bod yn gwrthdaro â rôl a chyfrifoldebau Cadeirydd CSCC, gan gynnwys unrhyw fuddiannau busnes a swyddi o awdurdod y tu allan i rôl CSCC.

Bydd unrhyw wrthdaro buddiannau'n cael ei archwilio mewn cyfweiliad. Os cewch eich penodi, bydd hi'n ofynnol i chi ddatgan y buddiannau hynny ar gofrestr sydd ar gael i'r cyhoedd.

Safonau mewn bywyd cyhoeddus

Disgwylir i chi ddangos safonau uchel o ymddygiad corfforaethol a phersonol. Gofynnir i bob ymgeisydd danysgrifio i'r Cod Ymddygiad ar gyfer Aelodau Byrddau Cyrff Cyhoeddus; mae'r ddogfen hon ar gael yn:

Comisiwn Seilwaith Cenedlaethol Cymru

<http://www.bl.uk/aboutus/governance/blboard/Board%20Code%20of%20Practice%202011.pdf>

Comisiwn Seilwaith Cenedlaethol Cymru Cylch Gorchwyl

Diben

Mae Llywodraeth Cymru wedi sefydlu Comisiwn Seilwaith Cenedlaethol Cymru (CSCC) i gefnogi cyngor annibynnol, mwy gwybodus ar strategaeth hirdymor ar gyfer buddsoddi mewn seilwaith, sy'n ymgorffori egwyddorion Deddf Llesiant Cenedlaethau'r Dyfodol (Cymru) 2015.

Llywodraethiant a chylch gwaith

Sefydlwyd CSCC fel corff cynghori anstatudol i ddarparu cyngor ac argymhellion i Weinidogion Cymru ar anghenion seilwaith economaidd ac amgylcheddol Cymru dros 5 - 30 mlynedd.

Mae cylch gwaith y Comisiwn yn canolbwyntio ar anghenion economaidd ac amgylcheddol, ond dylai ystyried hefyd sut mae'r anghenion hyn yn rhyngweithio â 'seilwaith cymdeithasol', megis ysgolion, ysbytai a thai. Fodd bynnag, ni ddisgwylir y bydd CSCC yn ystyried a chynghori ar anghenion seilwaith cymdeithasol mewn manylder.

Bydd Llywodraeth Cymru'n amlinellu trwy lythyr cylch gwaith blynyddol y meysydd yr hoffai i CSCC ganolbwyntio arnynt, ynghyd â'r gyllideb sydd ar gael. Bydd y llythyr hwn yn cael ei anfon at Gadeirydd y Comisiwn cyn dechrau pob blwyddyn ariannol.

Bydd y cyngor a ddarperir gan CSCC o natur strategol ac yn edrych i'r dyfodol. Ni ddarperir cyngor ar gynlluniau seilwaith presennol neu gynlluniau sydd i ddod sydd wedi'u cytuno eisoes.

O fewn ei gyngor, rhaid i CSCC adlewyrchu nodau ac egwyddorion Deddf Llesiant Cenedlaethau'r Dyfodol (Cymru) 2015¹. Mae hyn yn cynnwys:

- Amcanion Llesiant Llywodraeth Cymru
- Y Pum Ffordd o Weithio
- Egwyddor Datblygu Cynaliadwy

Rhaid i CSCC ystyried hefyd rwymedigaethau Gweinidogion Cymru mewn perthynas â Deddf yr Amgylchedd (Cymru) 2016, a rhwymedigaethau deddfwriaethol eraill, wrth ddarparu cyngor.

Bydd trefniadau gwaith manwl CSCC yn cael eu cytuno rhwng Llywodraeth Cymru a'r Comisiynwyr a benodwyd trwy ddogfen Cyfansoddiad. Bydd y cyfansoddiad hwn yn cael ei gefnogi gan lythyrau cylch gwaith blynyddol a fydd yn amlinellu meysydd blaenoriaeth a chyllideb flynyddol CSCC.

¹ https://www.legislation.gov.uk/anaw/2015/2/pdfs/anaw_20150002_we.pdf

Comisiwn Seilwaith Cenedlaethol Cymru

Disgwylir i CSCC gynhyrchu a chyhoeddi 'Adroddiad Cyflwr y Genedl' bob 3-5 mlynedd. Bydd yr adroddiad hwn yn ystyried cyflwr presennol y seilwaith economaidd ac amgylcheddol ledled Cymru mewn ffordd ddiduedd.

Yn ogystal, disgwylir i'r Comisiwn gynhyrchu adroddiad blynyddol ar ei weithgarwch y flwyddyn flaenorol ac unrhyw adroddiadau ad hoc y bydd Llywodraeth Cymru a/neu CSCC yn ystyried eu bod yn angenrheidiol.

Mae Llywodraeth Cymru wedi ymrwymo i gefnogi annibyniaeth CSCC trwy:

- Ymateb yn ffurfiol i Adroddiad Cyflwr y Genedl a chyflwyno'r adroddiad, a'r ymateb, yn y Cynulliad Cenedlaethol.
- Cyflwyno adroddiadau CSCC yn y Cynulliad Cenedlaethol.
- Ymateb yn ffurfiol i argymhellion CSCC a chyflwyno'r ymateb hwn yn y Cynulliad Cenedlaethol, gan gynnwys y rheswm pam mae argymhellion wedi'u cymeradwyo neu heb eu derbyn.

Aelodaeth a'r Ysgrifenyddiaeth

Bydd yr aelodaeth yn cynnwys 10-12 o Gomisiynwyr, gan gynnwys y Cadeirydd.

Caiff penodiadau eu gwneud gan Weinidogion Cymru am uchafswm o 3 blynedd.

Penodir aelodau ar sail teilyngdod ac arbenigedd, a disgwylir iddynt ddangos gallu i ystyried natur amrywiol cymunedau yng Nghymru.

Bydd aelodau'n cael eu cefnogi gan ysgrifenyddiaeth sy'n cynnwys staff Llywodraeth Cymru.

Atebolrwydd

Bydd CSCC yn atebol i Weinidogion Cymru am ansawdd a phriodoldeb ei gyngor a'i argymhellion, a'i ddefnydd o arian cyhoeddus. Efallai y creffir ar waith CSCC ac y bydd yn cael ei ddwyn i gyfrif gan y Cynulliad, ac efallai y gofynnir i aelodau gymryd rhan yn ngwrandawiadau pwyllgorau'r Cynulliad.

Bydd Llywodraeth Cymru'n cael ei dwyn i gyfrif gan y Cynulliad am y cyfarwyddyd y mae'n ei darparu i CSCC. Creffir arno hefyd mewn perthynas â'r argymhellion y mae'n eu derbyn, neu'n eu gwrthod, a'r sail resymegol y tu ôl i'r penderfyniadau hyn.

Adolygiad

Bydd CSCC yn amodol ar adolygiad cynhwysfawr o'i statws, ei gylch gwaith a'i amcanion cyn diwedd pumed tymor y Cynulliad (2016-2021).

Bydd trefniadau dilynol ar gyfer adolygu CSCC yn cael eu sefydlu ar ôl yr adolygiad cychwynnol hwn.

Y broses ddethol

Bydd y panel cyfweld yn asesu CVs a datganiadau personol yr ymgeiswyr i bennu pwy sy'n bodloni'r meini prawf ar gyfer y swydd a phwy fydd yn cael eu gwahodd i gyfweiliad. Bydd y panel yn dibynnu ar y wybodaeth a ddarparwyd yn eich CV a'ch datganiad i asesu a oes gennych chi'r sgiliau a'r profiad gofynnol. Gofalwch eich bod yn darparu tystiolaeth i gefnogi sut rydych chi'n bodloni pob un o'r meini prawf hanfodol.

Efallai y bydd eich cais yn cael ei roi ar y "rhestr hir", yn dibynnu ar faint o geisiadau a dderbynnir, cyn cael ei gyflwyno i'r panel a fydd yn llunio'r rhestr fer. Yn y sefyllfa hon, dylech fod yn ymwybodol efallai na fydd eich cais yn cael ei ystyried yn llawn gan bob aelod o'r panel.

Rhagwelir y bydd y panel wedi penderfynu pwy fydd yn cael eu gwahodd i gyfweiliad ym mis Gorffennaf 2018 yn ystod mis Mehefin 2018.

Bydd y panel ond yn dewis yr ymgeiswyr cryfaf y teimlir eu bod wedi dangos eu bod yn bodloni'r meini prawf a amlinellir ym manyleb y person i gael cyfweiliad. Fodd bynnag, os ydych chi wedi gwneud cais o dan y cynllun gwarantu cyfweiliad a'ch bod yn bodloni'r meini prawf hanfodol gofynnol ar gyfer y swydd, cewch eich gwahodd i gyfweiliad.

Os cewch eich gwahodd i gyfweiliad ac nad yw dyddiad y cyfweiliad wedi'i nodi yn y pecyn gwybodaeth hwn, byddwn yn ceisio rhoi cymaint o rybudd â phosibl i chi o ddyddiad y cyfweiliad. Os nad ydych chi ar gael ar y dyddiad hwnnw, byddwn yn gwneud pob ymdrech i aildrefnu, ond efallai na fydd hynny'n bosibl oherwydd cyfyngiadau amser yn yr amserlen benodi neu oherwydd nad yw aelodau'r panel dethol ar gael.

Byddwch yn derbyn e-bost o'r system Penodi yn rhoi gwybod i chi a ydych chi wedi cael eich gwahodd i gyfweiliad. Ein bwriad yw cynnal cyfweiliadau yng Nghaerdydd.

Os cewch eich gwahodd i gyfweiliad, bydd y panel yn holi am eich sgiliau a'ch profiad, gan ofyn cwestiynau penodol i asesu a ydych chi'n bodloni'r meini prawf a amlinellir ar gyfer y swydd.

Bydd ymgeiswyr y cred y panel sy'n 'addas i'w penodi' yn cael eu hargymell i Weinidogion, a fydd yn gwneud y penderfyniad terfynol. Gall y Gweinidog ddewis cyfarfod ag ymgeiswyr sy'n addas i'w penodi cyn gwneud penderfyniad. Bydd yna fwlch amser rhwng y cyfweiliad a'r penderfyniad terfynol i benodi. Bydd ymgeiswyr a fydd wedi cael cyfweiliad yn cael gwybod am gynnydd eu cais.

Os byddwch chi'n llwyddiannus, byddwch yn derbyn llythyr yn eich penodi fel Comisiynydd Comisiwn Seilwaith Cenedlaethol Cymru, a fydd yn cadarnhau'r telerau y cynigir y penodiad arnynt.

Comisiwn Seilwaith Cenedlaethol Cymru

Os na fyddwch chi'n llwyddiannus yn y cyfweiliad, bydd Llywodraeth Cymru'n rhoi gwybod i chi. Rydym yn gwerthfawrogi ei bod hi'n cymryd llawer o amser ac ymdrech i wneud cais am swyddi a bod adborth yn rhan werthfawr o'r broses. O ganlyniad, bydd y llythyr yn rhoi manylion pwy y gallwch chi gysylltu â nhw i gael adborth ar eich cyfweiliad a'ch cais, os dymunwch wneud hynny.

Ymholiadau

I wneud ymholiadau ynglŷn â'ch cais, ffoniwch Ddesg Gymorth Cydwasanaethau Corfforaethol ar 03000255454 neu anfonwch e-bost i sharedservicehelpdesk@wales.gsi.gov.uk neu PublicAppointment@gov.wales

Os nad ydych chi'n gwbl fodlon

Bydd Llywodraeth Cymru'n ceisio prosesu pob cais cyn gynted â phosibl a thrin pob ymgeisydd â chwarteisi. Os oes gennych chi unrhyw gwynion ynghylch y ffordd mae'ch cais wedi'i drin, ffoniwch Ddesg Gymorth Cydwasanaethau Corfforaethol ar 03000255454 neu anfonwch e-bost i PublicAppointments@gov.wales